



INATSISARTUT

**Aningaasaqarnermut Nunamullu
Namminermt Naalackersuisoq
/MAANI**

Ulloq: 17. juni 2013

J.nr.: 01.31.06/13-00625

**Aningaasaqarnermut Akileraartarnermullu Ataatsimiititaliap pingasunngornermi
ulloq 12. juni 2013-imi aalajangiineranik Naalackersuisunut ilisimatitsineq (suliaq nr.
01.31.06/13-00625)**

2013-imi akuersissutitut atuisut akiliutaannik atorunnaarsitsineq

Naalackersuisut **inassutigaat**,

Naalackersuisut aalajangerput akuersissutitut akiliut 1. januar 2013-imiit kingumut
atuuttumik atorunnaassasoq.

Kontomi pingaarnermi 50.01.05 Kalaallit Nunaanni Aalisarsinnaanermut Nakkutilliivik
(Ingerlatsinermt aningaasaliisutit) 1.950.000 kr.-nik qaffanneqassasut

Kontomi pingaarnermi 20.11.50 sillimmatitut kontomi aningaasaliisutit -1.950.000 kr.-
nik apparneqassasut

Aningaasaqarnermt Ataatsimiititaliap oqaaseqaatai

Sinerissamut qanittumi aalisarnermt, tamatumani sinerissamut qanittumi raajarniarneq
pinnagu, akuersissutitut akiliutip 1. januar 2013-imit kingumut atuutilersumik
atorunnaarsinneqarnissaa Naalackersuisut matuminnga qinnuteqarnermikkut kissaatigaat.
Kontomi pingaarnermi 51.01.05-imi, Kalaallit Nunaanni Aalisarsinnaanermut
Nakkutilliivimmut tunngasumi isertitassatut missingersuutit ikilissutaat konto pingaarneq
20.11.50, Ingerlatsinermt sillimmatitut tunngasoq aqqutigalugu
aningaasalersorneqassasut Naalackersuisunit qinnutigineqarpoq.

Aningaasaqarnermt Ataatsimiititaliamut inassuteqaatit iluarsineqarnissaat
Aningaasaqarnermt Nunamullu Namminermt Naalackersuisumit pisariaqartutut
isigineqartoq Ataatsimiititaliap maluginiarppaa, nassiunneqarneranni allakkiaq naapertorlugu
taakku ima isumaqarfigineqarmata "...*isumaat amigarpoq*". Taamaattorli Ataatsimiititaliamit
tamanna eqqarsarnartoqartinneqarpoq, tassa qinnuteqaammi allassimammat
Aningaasaqarnermt Naalackersuisoqarfiup oqaaseqaatai ilanngunneqartut,
taamaaliornikkut inassuteqaatit Naalackersuisunut tusarniaassutigineqarneramilli
iluarsineqareersimassagaluar mata. Aningaasaqarnermt Naalackersuisoqarfiup
tusarniaanermut akissutaa nassiunneqassasoq Ataatsimiititaliamit qinnutigineqarpoq.

Inassuteqaat siulleq Naalackersuinut taamaallaat sammititaavoq, taamaattumillu
Aningaasaqarnermt Ataatsimiititaliamut akuersissatut
ilanngunneqarsimasariaqanngillakuarluni. Taamaakkaluortoq inassuteqaat
aningaasaliissuteqarnissami siunertap nassuiaatigineqarnissaanut piukkunnarpoq.
Naalackersuisut akuersissutitut akiliiummik nalunaarut aqqutigalugu
atorunnaarsitsinnaanerannut aalisarneq pillugu inatsimmi tunngavissaqarpoq,

taamaattumik pisortat ingerlatsineranni maleruagassat nalinginnaasut naapertorlugit Naalakkersuisut suliama eqqumaffigisassat aallaavigalugit nalunaarummik nutaamik akuersissummut akileeqqusinertaqanngitsumik atuutsitsilernissaq toqqarsinnaavaat. Taamaallilluni suliniutinik taamaattunik akuersissuteqarnissaq Aningaasaqarnermut Ataatsimiititaliap piginnaatitaaffiata avataaniippoq. Taamaattorli erseqqissaatigineqassaaq nalunaarutip allannguutaata taamaattup aningaasaliissutitigut sunniutissaanik akuersinissamut Aningaasaqarnermut Ataatsimiititaliaq oqartussaaffeqarmat. Pingaartumik suliaq manna eqqarsaatigalugu, tamatumani akuersissutinut akiliutit nalunaarutikkut piumasaqaatigineqarlutik aningaasanullu inatsimmut ilanngunneqarlutik.

Naalakkersuisut qinnuteqaataat Aningaasaqarnermut Ataatsimiititaliamit sukumiisumik isumaliutigineqarpoq. Inatsisinut akuerisaasunut kingumut atuutsinneqartunut kiisalu konto pingarneq, 20.11.50, Ingerlatsineranut sillimmatinut tunngasoq aqputigalugu aningaasalersuinissamik apeqqummut atatillugu ataatsimiititaliaq tunngaviusumik arlalinnik immikkut isumaliutiginnippoq.

Kontomit pingarnermit 20.11.50-imit, Ingerlatsineranut sillimmatinut tunngasumit aningaasalersuinissaq pillugu Naalakkersuisut inassuteqaataat tunngaviusumik isigalugu Aningaasaqarnermut Ataatsimiititaliamit akuerineqarsinnaanngilaq, tassa taanna missingersuutinut ilanngussami aningaasaliissutinut tunngavigineqartut naapertorlugit aningaasartuutinut siumut naatsorsuutigeriinngisanut taamaallaat atorineqartariaqarmat. Naalakkersuisut qinnuteqaammik nutaamik nassitsinissartik kissaatigigunikku kontomi pingarnermi 51.01.05-imi, Kalaallit Nunaanni Aalisarsinnaanermut Nakkutillivimmunt tunngasumi isertitassatut missingikkat ikilissutaat konto pingarneq 20.11.50, Ingerlatsineranut sillimmatinut tunngasoq atornagu kontot pingarnerit allat aqputigalugit aningaasalersorneqassasut ataatsimiititaliamit kaammattuutigineqassaaq, nammineq sinaakkutissat iluini imaluunniit Naalakkersuisoqarfiit suliassaqarfiinut allanut ataqatigiissaarinikkut.

Akuersissutit tunniunneqartarneranni akiliuteqartarnerup kingumut atuuttumik atorunnaarsinneqarnera pisortat ingerlatsineranni iliuitsitut iluanaaruteqarfiusutut immiini isigineqarsinnaammat taamatut iliuseqarnissami inatsisitigut tunngaviusumik ataatsimut isigalugu ajornartorsiuteqartoqanngitsaq ataatsimiititaliaq isumaqarpoq. Taamaakkaluortoq akiliutip kingumut atuuttumik atorunnaarsinneqarnera inunnut allanut kingunerluuteqarsinnaanersoq paasinarsinneqanngilaq. Taamatuttaaq akuersissuteqarneq inuup allap iluanaarutissaagaluanik, taanna akuersissummut akiliuteqartussaaneq pissutigalugu akuersissummik qinnuteqarsimanngippat, annaasaqarnerminut taarsiissuteqarfigineqarnissamik kinguneqarsinnaanersoq paasinarsinneqanngilaq.

Illassutitut aningaasaliissuteqarnissamik qinnuteqaatit kingumut atuuttussanngorlugit akuerineqarnissaat Aningaasaqarnermut Ataatsimiititaliap nalinginnaasumik *assut* tunuarsimaarfigisarpa – aamma aningaasartuutit illassutitut aningaasaliissuteqarnissamik qinnuteqaammunt attuumassutillit Missingersuusiortarnermut inatsit naapertorlugu Aningaasaqarnermut Ataatsimiititaliap aningaasaliissuteqarnissamik qinnuteqaammik akuersinerata kingorna aatsaat akilerneqartussaagaluarpataluunniit. Aningaasaliissuteqarnissamik qinnuteqaatit siunissamut tunngassuteqartut kisimik akuerineqartalissasut Ataatsimiititaliap Naalakkersuisunut siusinnerusukkut nalunaarutigaa.

Akuersissummut akiliutip atorunnaarsinneqarnissaanik qinnuteqaat tunggaviumik isigalugu Ataatsimiititaliamit akuerineqarsinnaassaaq, taanna nalunaarutip nutaap atuutsinneqalernerani atortussanngortinneqarpas. Taamaaliornikkut missingersuutini aningaasaliissutit nuussassat ikinnerussapput, tassami akuersissutitut akiliutit nalunaarutip nutaap atuutsinneqalernerata tungaanut akilernerqartut akuersissutitut piginnittunut utertillugit akilernerqartussanngimmata aammalu tamatumunnga atatillugu allaffissornikkut aningaasartuutit taamaaqataanik ikinnerussammata. Ilanggullugu ilisimatitsissutigineqarsinnaavoq aalisarneq pillugu inatsimmi allassimammat, akiliutitut akiliinngitsoornermi (assersuutigalugu atuisut 1.500,- kr.-inik akuersissummut akiliteqartarnerat) ernianut inatsimmi aalajangersakkat naapertorlugit ernialiisoqartarmat. Tassa imaappoq inuussutissarsiutigalugu aalisartup akiliinissamut piffissaliussaq naapertorsimangippagu aamma 1.500,- kr.-it ernialernerqarsimappata qinnuteqaatikkut ugguna nutaamik nalunaarusiornissap tungaanut ernianik akiliteqarnissap/utertoorteqartitsinissap pinngitsoortinnissaa imaaliaallaanaq periarfissaassinnaangitsoq. Tamatumani aalisarneq pillugu inatsisip, ilassutitut aningaasaliissuteqarnikkut imaluunniit aalisarneq pillugu inatsisip allanngortinneratigut, saneqqunneqarnissaanut ersarissumik tunggavissinneqarnissaq pisariaqassaaq. Ernianut aalajangersagaq aalisartut ilaannut sunniuteqassanersoq ilisimaneqanngilaq, tamanna pillugu qinnuteqaammi nassuiaateqartoqanngimmat. Naalakkersuisut qinnuteqaammik nutaamik nassitsinissartik kissaatigissappassuk pissutsit taakku erseqqinnerusumik nassuiaatigineqarnissaat ataatsimiititaliap qinnutigissavaa.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni inassuteqaatit Aningaasaqarnermut Ataatsimiititaliamit akuerineqarsinnaangillat.

Aningaasaqarnermut Nunamullu Namminermut Naalakkersuisoqarfiup tusarniaanermut akissutaata kalaallisut danskisullu kingusinnerpaamik ulloq 20. juni 2013 tiguneqarnissaa ataatsimiititaliamit qinnutigineqarpoq assilinerqarneralu uunga nassiateqquneqarluni: julie@ina.gl.

Ataatsimiititaliap sinnerlugu

Finn Karlsen

Ataatsimiititaliap siulittaasua